



Broj: 04-40-1-82/20  
Sarajevo, 23.03.2020. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

**REDOVNI IZVJEŠTAJ**  
**za period od 08:30 sati 20.03.2020. do 08:30 sati 23.03.2020. godine**

U skladu sa ovlaštenjima koje ima prema Zakonu o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), kao i drugim podzakonskim propisima iz oblasti zaštite i spašavanja, te Odluci Vlade Kantona Sarajevo o proglašenju stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID-19) na području Kantona Sarajevo, broj: 02-04-7986-1.1/20 od 18.03.2020. godine, Štab civilne zaštite Kantona Sarajevo (u daljnjem tekstu: Štab) je u toku jučerašnjeg dana nastavio sa aktivnostima na provođenju preventivnih mjera na smanjenju opasnosti od širenja zarazne bolesti uzrokovane koronavirusom (COVID-19) na području Kantona Sarajevo.

U toku jučerašnjeg dana Štab je angažovao Službu za veterinarske poslove na dezinfekciji javnih objekata i površina.

Štab je jučer u 14:15 sati održao 5. vanredna sjednica na kojoj analizirao stanja na području Kantona Sarajevo uzrokovano koronavirusom kao i mjere i aktivnosti koje su preduzete od strana Štaba i svih kantonalnih organa uprave, ustanova, institucija na provođenju naredbi nadležnih štabova civilne zaštite.



Štab je na sjednici donio slijedeće naredbe:

- Naredbu kojom se zadužuju općinski štabovi civilne zaštite da u saradnji sa Udruženjem penzionera, Crvenim križem i centrima za socijalni rad naprave spiskove osoba starijih iznad 65 godina koji žive sami na području njihovih općina, kako bi im pružili podršku u dostavi neophodnih životnih potrepština.
- Naredbu kojom se naređuje općinskim načelnicima/gradonačelniku u Kantonu Sarajevo da radno vrijeme u općini/gradu organizuju u periodu od 09,00 do 13,00 sati, a da po potrebi i prioritetima organizuju rad izvan ovog radnog vremena.
- Naredbu kojom se naređuje trgovinama koje su bile izuzete tačkom 2. naredbe Federalnog štaba civilne zaštite, broj: 12-40-6-148-26/20 od 19.03.2020. godine, da organizuju rad do 16,30 sati, izuzev dežurnih apoteka.
- Naredbu kojom se naređuje se komandantima općinskih štabova civilne zaštite u Kantonu Sarajevu da Štabu civilne zaštite Kantona Sarajevo dostave sve informacije o vrsti i količine medicinske, zaštitne opreme i druge opreme koja je nabavljena i koja se trenutno nabavlja u cilju prevencije, kao i otklanjanja širenja zarazne bolesti uzrokovane koronavirusom (COVID-19), u tabelarnom prikazu, sa naznakom kojoj službi, jedinici kao i drugoj instituciji je ista nabavljena, te kojom im se naređuje da uvedu dežurstvo 24 sata u općinskim štabovima civilne zaštite i da svakog dana do 10,00 sati imena i prezimena dežurnih osoba sa brojem kontakt telefona dostavljaju Kantonalnom operativnom centru civilne zaštite.
- Naredbu kojom naređuje se Građevinskom fakultetu Univerziteta u Sarajevu da privremeno ustupi jedno krilo zgrade Kliničkom centru Univerziteta u Sarajevu za potrebe eventualnog zbrinjavanja pacijenata zaraženih koronavirusom (COVID-19).

**Općinski operativni centara civilne zaštite Hadžići:** Služba za vodosnadbjevanje i asanaciju terena izvršila je vanrednu dezinfekciju ulica Hadželi, Zlatnih Ljiljana, ulice prema Suticama i ulice prema Kućicama, ulice kroz Donje Hadžiće na području Hadžića te frekventnijih ulica Pazarića i Tarčina, te detaljno dezinfikovala prostor oko Doma zdravlja. Navedena Služba je također, zbog pojačanog broja migranata u kampu Ušivak, tri puta u toku jučerašnjeg dana dostavila pitku vodu sa cisternom kao dopunu rezervoara u kampu.

**Od ostalih općinskih štabova civilne zaštite s područja Kantona Sarajevo** putem njihovih operativnih centara civilne zaštite smo obavješteni, da su nastavila aktivnosti na provođenju preventivnih mjera zaštite i spašavanja od koronavirusa, na čišćenju i pranju ulica, trotoara i drugih javnih površina, kao i dezinfekcija javnih objekata, ulica, trotoara, javnih stepeništa, trgova, javnih parkinga i drugih prostora, te na nabavci neophodne zaštite opreme i dezinfekcionih sredstava.

**Iz ostalih općinskih operativnih centara civilne zaštite s područja Kantona Sarajevo** smo dobili informaciju da su preduzele mjere i aktivnosti na provođenju nadležnih štabova civilne zaštite.

**Kantonalna uprava civilne zaštite Kantona Sarajevo:** Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 25 intervencija manjeg intenziteta i jednu veću dana, 20.03.2020. godine u 17:40 sati u ulici Nahorevo br. 44., Općina Centar, na gašenju zapaljene štale. U intervenciji je učestvovalo 12 vatrogasaca sa tri



web: <https://kucz.ks.gov.ba>

e-mail: [oc@kucz.ks.gov.ba](mailto:oc@kucz.ks.gov.ba)

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1

vatrogasnih vozila. Požar je ugašen u 19:30 sati, povrijeđenih nije bilo, a prčinjena je materijalna šteta.

**Elektrodistribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 08:00 sati temperatura u Sarajevu na mjernoj stanici Bjelave je iznosila -2°C, vlažnost zraka 62%, barometarski pritisak 947,4 hPa.

**BIHAMK:** Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski, željeznički saobraćaj je obustavljen po naredbi Federalnog Štaba civilne zaštite.

PO OVLAŠTENJU DIREKTORA  
ŠEF CENTRA

**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>

e-mail: [oc@kucz.ks.gov.ba](mailto:oc@kucz.ks.gov.ba)

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1